

Bugun Uzbekistan Airways "Haj-2025" dasturi doirasida Toshkentdan Madinaga ilk parvozni amalga oshirdi

2025 13 May

Haj safariga yo'l olgan muhtaram ziyoratchilarimiz mazkur ulug' ibodatni ado etish maqsadida tantanali tarzda kuzatilmoqda. Ushbu safar Uzbekistan Airways aviakompaniyasi tomonidan amalga oshirilib, ziyoratchilar uchun xavfsiz, qulay va barcha talablarga javob beradigan parvoz sharoitlari yaratildi.





Joriy yilda umumiy 6 267 nafar ziyoratchi 13-28 may kunlari orasida mamlakatimizning sakkizta hududiy xalqaro aeroporti – Toshkent, Samarqand, Namangan, Qarshi, Termiz, Navoiy, Urganch va Nukus shaharlaridan Saudiya Arabistonining Madina shahriga yetkazilishi rejalashtirilgan.





Ortga qaytuvchi qatnovlar – Jiddadan Toshkent va O‘zbekistonning boshqa shaharlariga qaytishi 12-29 iyun kuni amalga oshiriladi. Mazkur bosqich doirasida 15 150 nafar ziyoratchining xavfsiz va barqaror tashuvi ta’minlanishi rejalashtirilgan.



Tantanali kuzatuv tadbirida Uzbekistan Airways rahbariyati ham ishtirok etib, tashkiliy jarayonlarni yaqindan ko'zdan kechirdi va ziyoratchilarga samimiy tilaklarini yo'lladi.



UZBEKISTAN
AIRWAYS





Alloh taolo ushbu safarni har bir ziyoratchi uchun muborak va manfaatli qilsin. Yurtimiz tinch, xalqimiz fayzli va farovon bo'lsin.